



1. ERANSKINA. HAURRENTZAKO ETA GAZTEENTZAKO HEZKUNTZA-AISIALDIKO JARDUERAK EGITEKO JARRAIBIDEAK, COVID-19AK ERAGINDAKO OSASUN-KRISIAREN EGOERARA EGOKITUTA.

(Dokumentu hau **2021eko irailaren 21ean eguneratu zen**, une hartan indarrean zegoen araudiaren arabera. Bertsio zuzena dela ziurtatzeko, jarduerak egiteko unean [Gazteukeratik](#) azken bertsioa deskargatzea gomendatzen dugu.)

SARRERA.

Haurrentzako eta gazteentzako hezkuntza-aisialdiko jarduerak tresna garrantzitsua dira haurren eta gazteen prestakuntza integrala lortzeko, eta, gainera, oso esperientzia atsegina da, borondatez eta berdinen artean egiten direlako. Izan ere, hezkuntza- eta lanbide-gaitasunak hobetzen dituztela eta gizarte-arazo ugariaren aurrean funtzio terapeutiko garrantzitsua betetzen dutela uste da; horrela, haur eta gazte askoren pobrezia eta bazterketa-arriskuaren zirkulua apurtzen da, eta tolerantzia edo berdintasuna bezalako gizarte-balio garrantzitsuak garatzen laguntzen da.

EAEen, neska-mutikoen eta gazteen kanpamenduen, kolonien, koloni irekien, lan-kanpaketen eta ibilaldietako kanpaketen jaurpidea arautzen duen ekainaren 25eko 170/1985 Dekretuan ezarritakoaren arabera egiten dira jarduera horiek.

Hala ere, osasun-krisiaren ondorioz, salbuespenezko neurriak eta murrizketak ezarri behar izan dira, eta jarduera horiek egiteko baldintzak errotik aldatu dira. Hala, COVID-19aren prebentzioari buruzko araudia garatu da, estatukoa zein autonomia-erkidegokoa, eta, funtsean, honako xedapen hauetan jasotzen da:

- Eusko Legebiltzarraren ekainaren 24ko 2/2021 Legea, COVID-19aren pandemia kudeatzeko neurriei buruzkoa.
- 38/2021 Dekretua, irailaren 17koa, lehendakariarena, SARS-CoV-2k eragindako infekzioen hedapena geldiarazteko prebentzio-neurriak testu bateginean jaso, eguneratu eta zehaztekoa.

Horregatik, osasun-agintariak COVID-19ak sortutako krisiari aurre egiteko salbuespenezko neurriak eta murrizketak mantendu behar direla erabakitzen duten bitartean, beharrezkotzat jotzen dugu orientabide batzuk ezartzea, erakunde antolatzaileei haurren eta gazteen hezkuntza-aisialdiko jarduerak prestatu eta egiteko jarraibideak emateko, unean uneko osasun-egoerarekin bat datozen segurtasun-baldintza egokiekin. Jarraibide horiek 170/1985 Dekretuan jasotako jardueretan aplikatuko dira (kanpamentuak, udaleku irekiak, auzolandegiak eta haurrentzako eta gazteentzako ibilaldiak), eta hezkuntza-aisialdiaren eta denbora librearen sektorearekin lotutako beste ekimen batzuetarako ere orientabide izan nahi dute.

Hala, egin beharreko jarduera zehatz bakoitzerako, aurreikusitako prebentzio-neurriak eta detektatutako COVID-19 kasuen aurrean jarduteko prozedura protokolo espezifiko batean jasoko dira, hurrengo ataletan garatutako puntuak kontuan hartuta. Protokolo hori parte-hartzaileei eta legezko tutoreei emango zaie, eta erakunde edo agintari eskudunek eskatu ahal izango dute.



PREBENTZIO-NEURRIAK

1. Transmisioa: kontrola eta prebentzioa

- Jardueri ekin aurretik, familiei edo izena eman dezaketen parte-hartzaileei helaraziko zaien informazioan, gogorazi behar zaie, bai haiei eta bai antolatuko dituzten pertsoneri, nor bere osasunaren erantzukizuna duela eta higieneko eta prebentzioko neurriak errespetatu behar dituztela, eta ez dutela jardueretan parte hartzera joan behar inola ere, baldin eta sintomak edo ondoezak baldin badituzte.
- COVID-19 gaitzarekin bateragarriak diren sintomen zerrenda oraindik orain luzatu da, eta honako hauek dira: sukarra, eztula edo airea falta delako sententzioa eta sintoma atipikoak, hala nola odinofagia, anosmia, ageusia, giharretako minak, beherakoak, bularraldeko mina eta zefaleak. Kontsultagarri, hemen: [¿Cuáles son los síntomas de la COVID-19?](#)
- Parte-hartzaileak eta haien legezko tutoreak arduratuko dira COVID-19 gaitzarekiko norberaren egoeraz; horrenbestez, norbaitek COVID-19 gaitzarekin zerikusia duen sintomaren bat baldin badu, (sukarra, eztula, arnasteko zailtasuna...) edo COVID-19a duten pertsonekin kontaktuan egon bada ez du jardueran parte hartuko eta jardueraren arduradunarekin (gerentea, zuzendaria, begiralea, etab.) jarriko da harremanetan. Horretarako, parte-hartzaileek, eta, hala badagokio, legezko tutoreek, konpromisoa hartu behar dute funtsezko osasun- eta lege-betekizun batzuk betetzeko, entitateek jarduerak segurtasunez egin ahal izan ditzaten, parte hartzeko baldintzak, informatzeko betebeharra eta baimen informatua onartzeko agiri baten bidez. Agiri horren gutxieneko oinarriak 2. eranskinean azaltzen dira, behin betiko garatzeko, entitateak beharrezkotzat jotzen badu.
- Nolanahi ere, parte-hartzaileak ezin du joan eta ezin du jardueran parte hartu COVID-19ak eragindako pertsona batekin kontaktu estuan egon bada 2 metro baino gutxiagoko distantziara, guztira 15 minutuz baino gehiago metatuta 24 orduetan, maskara etengabe eta behar bezala erabili gabe (sintomarik gabe ere). Kontuan hartu beharreko aldia kasu positiboaren sintomak hasi baino 2 egun lehenagokoa izango da, edo sintomarik ez duten pertsonen kasuan, diagnostikorako lagina hartu baino 2 egun lehenagokoa. Kasu horretan, ez dute joan behar, eta osasun-zentroarekin jarri beharko dute harremanetan.
- Erakunde antolatzaileei gomendatzen zaie COVID-19a bidezko infekzio aktiboa detektatzeko proba diagnostikoa (PDIA) egitea parte hartuko duten pertsoneri jarduera hasi aurretik.
- Erakunde antolatzaileak ziurtatu beharko du beharrezkoak diren prestakuntza- eta informazio-jarduerak egiten direla jardueraren garapenean aplikatuko diren neurriak eta protokoloak ezagutarazteko eta higiene osasungarriko jardunbideak hedatu, sustatu eta indartzeko langile guztien eta parte-hartzaileen artean.
- Jarduera hasi aurretik, erakunde antolatzaileak kolektibo eta errealtate sozial desberdinetara (adina, dibertsitate funtzionala, etab.) egokitutako informazio-materialak prestatu eta banatuko ditu. Material horien bidez, ahal dela formatu digitalean, ezarritako segurtasun-, portaera- eta higiene-neurriak zehaztuko dira, bai eta erabiltzaileek bete beharreko jarraibideak ere, jarraibide horiek aldeztu aurretik ezagutu eta gauzatzeko.
- Mezuak, kartelak eta seinaleak indartzeko dira erabiltzen diren instalazioetan, jokabideak eta higiene- eta prebentzio-neurriak gogoraraziz, batez ere funtsezko eremuetan, hala nola bainugeletan, jangeletan, korridoreetan, ikasgeletara sartzeko ateetan eta abarretan.



2. Nahitaezko higiene- eta prebentzio-neurri pertsonalak betetzea
 - Ziurtatutako da jarduera gauzatuko den lekuan eta leku komunetan (sarreretan, komunetan, jangeletan, etab.) pertsona guztiek uneoro eskuragarri dituztela ura, xaboia eta eskuak lehortzeko papera, eta ezin bada, gel hidroalkoholikoak, edo eskuak garbitzeko Osasun Ministerioak baimenduta eta erregistratuta dauden eragin biruzidako desinfektatzaileak. Ahal dela, tapa eta pedala duten zabor-ontziak erabili. Halaber, talde, egoera eta uneak kontuan hartuz, disoluzio hidroalkoholikoak jarriko dira hainbat tokitan, erabil daitezten.
 - Garbiketa eta desinfekzioa indartuko dira. Garbiketa-programa trinkotu bat egingo da, maizen ukitzen diren objektuak eta gainazalak (etengailuak, heldulekuak, eskudelak) garbitu eta desinfektatuko direla ziurtatuz. Honako hauek hartu beharko dira kontuan: [AGINDUA, 2020ko apirilaren 2koa, Osasuneko sailburuarena, gainazalak garbitzeko eta desinfektatzeko neurriak eta bestelako higiene-neurriak hartzen dituen SARS-CoV-2 \(Covid-19\) birusak eragindako pandemia dela eta; eta haren jarraibide teknikoak.](#)
 - Lokalen aireztapen naturala eta mekanikoa areagotu beharko da, barruan airea berritu ahal izateko. Ahal den neurrian, kanpoko airearekin lan egingo da, birzirkulazioa minimizatuz eta barneko aire-korronteak saihestuz.
 - Bete ezean diziplinazko zer neurri ezarriko diren argi eta garbi adieraziko da.
3. Arrisku-taldeak eta desabantaila sozialean dauden taldeak babestea
 - Zehatz-mehatz aztertuko da arrisku-taldeetako kideek edo arrisku-pertsonekin bizi direnek euren erantzukizunpean parte hartzeko duten aukera.
 - Arreta berezia emango zaie, begirale laguntzaile gehiago jarrita, parte hartzeko aukera gutxiago dituzten pertsonen (arrisku-taldeak, desabantaila sozialeko egoeran dauden taldeak, dibertsitate funtzionala edo intelektuala duten pertsonak).
4. Jardueretan parte hartzeko izen-ematea
 - Izen-ematea online egingo da, ahal bada. Bestela, elkarte edo erakunde antolatzaileen bulego edo egoitzetan eman ahalko da izena, baldin eta jendearen arretarako xedatuta dauden arau guztiak betetzen badira.
5. Jarduera presentzialak egokitzea eta berrantolatzea
 - Jarduerak aire zabalean egitea lehenetsiko da.
 - Sarrera- eta irteera-uneetan pertsonak modu mailakatuan bertaratzeko moduan antolatuko da jarduera, eta seinaleak erabiliko dira jende-pilaketak saihesteko eta segurtasun-distantziari eusteko. Taldekide-kopura, ordutegiak eta jarduerak planifikatzea gomendatzen dugu, prebentzioko neurriak eta pertsonen arteko distantzia-neurriak bete ahal izateko.
 - Aztertuko da zer errutina, prozedura eta ibilbide gauzatzen den, berrikusteko zein diren infekzioa zabal dezaketen puntu kritikoak eta, hala, prebentzio-neurriak garatzeko, infekzioa zabal ez dadin edo zabalkundea oztopatzeko.
 - Lokal eta instalazioen okupazioa baimendutako gehieneko edukieraren % 75ekoa izango da. Lokal eta instalazio guztiak etengabe aireztatu beharko dira.



- Gela komunak erabiltzen direnean eta espazioek txanda arruntetan distantzia fisikoari eustea ahalbidetzen ez dutenean, orduan, ordutegiak edo sartzeko txandak (ordu-tarteak) aldatu daitezke, edota gehienez ere okupatzeko denborak (bertan egotekoak), eta, ahal den neurrian, ahalegindu behar da tarteka erabiltzen espazio horiek.
- Espazio komunetan altzari finkoen kokapena egokitu da, segurtasun-distantziari eustea errazteko. Batzuetan, espazioak berriz diseinatu beharko dira, ekipamenduak aldatuz edo kenduz, transmisio-aukerak minimizatzeko. Adibidez, mahai-motak, aulkiak, armairuak, tapa eta pedala duten paperontzi-kopurua eta -motak.
- Pertsonalak aplikatu beharreko prebentzio-neurriak ezagutu beharko ditu. Informazio- eta kontingentzia-plana izango da langileentzat, monitoreak barne.
- Jarduera hastean, ume parte-hartzaileei jarraitu beharreko prebentzio-neurrien berri emango zaie.
- Pertsona erreferente bat izendatuko da COVID-19arekin zerikusia duten alderdietarako. Pertsona horrek taldekideei buruzko informazioa bilduko du eta hura eguneratuta izango du, bai eta jardueretako parte-hartzeari, autobuseko edo bestelako bitartekoetan eginiko joan-etorriei eta familiartekoen harremanetarako datuei buruzkoa ere. COVIDarekin zerikusia duten alderdi guztien arduradunak Zaintza eta Jarraipen Sareak eskatzen dion informazioa bildu eta emango dio, kontaktuak ikertzeko, beharrezkoa denean.
- Jarduera horietan parte hartzen dutenen familia guztiek jakingo dute nor den COVIDarekin zerikusia duten alderdi guztien arduraduna, eta haren harremanetarako telefonoa izango dute.
- Parte-hartzaileentzako isolamendu- eta komunikazio-plana ezarriko da jarduera garatu bitartean COVID-19arekin bateragarriak diren sintomak edukiz gero.
- Jarduerak berrantolatuko dira, eta gehienez 16 parte-hartzaileko azpitalde egonkorretan egingo dira, begiraleez gain, taldeen arteko distantzia 2 metrokoa izanik.
- Kontaktu fisiko etengabea eskatzen duten jarduerak egitea saihestuko da, ez da janaririk partekatuko, ahal den neurrian materialak partekatzea saihestuko da eta jardueretan parte hartzen dutenen arteko kontaktua mugatzen saiatuko da, ahal den neurrian pertsonen arteko 1,5 metroko segurtasun-distantzia errespetatuz.
- Sei urtetik gorako pertsonak maskara erabili beharko dute uneoro, pertsonen arteko distantzia edozein dela ere.
- Jan-edatekoak: Arau orokor gisa, nork bere askaria edo janaria eraman ahal izango du jarduerara, eta ez du beste inorekin partekatuko. Elkarreak edo erakundeak eskaintzen badu (catering zerbitzu bidez edo tokiko sukaldean egindakoa eskaini ahal izango du), banakako anoak eskainiko ditu, eta betiere segurtasun-neurriak errespetatuta (anoak prestatuko dituen begiraleak nahitaez izan behar du elikagaiak manipulatzeko ziurtagiria, eta, horrezaz gain, laguntzarik gabe prestatuko ditu).
- Jangelak zabaltzea. 16 pertsonako talde berberak mantenduko dira, taldeen arteko distantzia 2 metrokoa izanik. Gainera, kutsatzeko aukera murrizteko eta kontaktuen miaketa errazteko, mahaietan leku berean eseriko dira egunero. Pertsona bakoitzak bere plateretik jango du, eta ezin izango du konpartitu. Jantoki itxiak badira, edukieraren % 75era mugatuko da okupazioa, eta etengabe aireztatuta egon beharko dute. Txanda bat baino gehiago izanez gero, garbitu egingo dira.



- Aire zabalean lo egitea (bibak). Baimenduta eta gomendatuta dago; nolahi ere, lo-zakuen artean segurtasun-tartea utzi behar da eta lo-zakuak egunero aireztatu behar dira.
 - Gaua kanpin-dendetan eta kanpalekuetan pasatzea. Erregimen honetan igaro ahalko dira gauak: kanpin-denda bakoitzeko pertsona batek egin ahal izango du lo. Parte-hartzaile guztiak elkarrekin bizi badira, kanpin-denda berean egin ahal izango dute lo. Kanpin-dendak fisikoki isolatuta dauden gelak baldin baditu, gela horiek erabili ahal izango dira. Dendak egunero jaso, garbitu eta aireztatu beharko dira. Pabiloi motako kanpin-dendak erabili ahal izango dira gaua igarotzeko, baldin eta sei pertsona edo gehiagoko edukiera badute eta aireztapen gurutzatua ahalbidetzen duten leihoak edo irekidurak badituzte. Gehieneko edukieraren % 75ean erabili ahal izango dira, betiere pertsonen arteko 1,5 metroko segurtasun-distantziari eusten bazaio eta etengabe aireztatuta badaude.
 - Gaua aterpe eta antzekoetan, gela eta logela partekatuetan pasatzea. Gela partekatuek baimendutako gehieneko edukieraren % 75 hartuko dute, eta, ahal den neurrian, 16 pertsonako talde egonkorak mantenduko dira, begiraleak edo erakundeko ordezeko arduradun helduak gainbegiratuta. Litera erabiltzen bada, pertsona bakar batek beteko du, edo bik, 3 oheko literak badira. Erabiltzen diren oheen artean, gutxienez 1,5 metroko segurtasun-tartea errespetatuko da edo hesi-neurriak instalatuko dira. Gelak behin eta berriz aireztatu beharko dira. Nork bere ohea egingo du. Ohe-arropa poltsetan sartuta edo paketatuta emango zaie, garbi dagoela ziurtatzeko eta kutsatzea eragozteko. Gelarako sarreran disoluzio hidroalkoholikoa jarri behar da.
 - Gaua kanpalekutik edo kanpaleku ibiltaritik kanpo igarotzea eskatzen duten ibilaldi, ibilbide edo udaleko ibiltarietarako, plangintzan segurtasun-baldintza egokiak hartu beharko dira, material sanitarioa eramango duen laguntza-auto bat izango dute, eta begirale batek botika-kutxa eramango du aldean beti. Ezin izango da janaria prestatu edo janaria partekatu ibilbideak irau bitartean; kanpamendu nagusian janaria prestatu ahal izango da eta laguntza-autoaren bidez banatu, betiere ezinbesteko gutxieneko higiene-neurriak betez.
 - Debekatuta daude familiakoen bisitak.
 - Jardueraren erakunde antolatzailea eremu berean diharduten antzeko enpresa edo elkarteekin koordinazioan arituko da, jende-pilaketak eragozteko; agintari eskudunekin ere koordinazioan arituko da, espazio publikoak modu ordenatuan eta seguruan erabiltzeko.
6. Begiraleak, jardueran parte hartzen duten taldeen arduradunak diren aldetik
- 16 pertsonako talde bakoitzeko begirale bat izendatuko da, taldekideei harrera egiteko eta taldekideak beren legezko tutoreen esku uzteko. Arduradun horrek zainduko du urruntze sozialeko neurriak betetzen direla, eta horrezaz gain, jende-pilaketak eragozteko ditu. Kontrolpean izango ditu jokabideak eta ekipamendu sanitarioak, eta maskara ez duten parte-hartzaileei maskarak banatuko dizkie, osasun-alorreko agintariak emandako gomendioetan (unean-unean indarrean daudenak) adierazita bezala.
 - Kanpamendu, udaleku edo gaua igarotzea eskatzen duten bestelako jardueren kasuan, erakunde antolatzaileak izendatutako arduradunek jaso eta entregatu ahal izango dituzte parte-hartzaileak legezko tutoreei.
 - Osasun-larrialdian, haurren eta gazteen hezkuntza-aisialdiko jarduerak egiten dituen erakunde orok arreta berezia jarri beharko du talde teknikoaren prestakuntzan, bera arduratuko baita ekimena behar bezala egiten dela zaintzeaz. Horregatik ziurtatu beharko du langileek,



kontratatuak zein boluntarioek, jardueraren garapenean aplikatuko diren neurri eta protokoloak buruzko ezagutza eta prestakuntza espezifiko eta eguneratua dutela.

7. Parte-hartzaileen joan-etorriak, eta parte-hartzaileak jasotzea eta entregatzea

- Talde bakoitzeko begirale arduradunak zaindu behar du parte-hartzaileak jasotzea eta beren legezko tutoreen esku uztea.
- Jarduera gauzatuko den lekurako joan-etorrietan, herritar ororentzat xedatuta dauden arauak bete beharko dira.

8. Jarduera gauzatzeko eskakizunak.

8.1. Jarduerak gauzatu aurretik informatzea eta jakinaraztea

Erakunde antolatzaileak, jarduera gauzatu aurretik, informazio hau jakinarazi behar die gazteei edo legezko tutoreei:

- Protokoloa, COVID-19 kasu posibleak prebenitzeko eta horien aurrean jarduteko neurriak buruzkoa (erakundeak garatu beharrekoa eta parte-hartzaileei eta legezko tutoreei eman beharrekoa).
- Parte-hartzeari, informatzeko betebeharrari eta baimen informatuari buruzko baldintzak onartzen direlako dokumentua (parte-hartzaileek eta legezko tutoreek sinatu beharrekoa).
- Elkarrekin edo erakundeak prestatu beharreko eta parte-hartzaileei eta familiei eman beharreko dokumentu informatiboak eta legalak ezinbestez izango dira argiak, eta haietan elkarrekin edo erakundearen, familien eta parte-hartzaileen erantzukizunak, eskakizunak eta jarduteko arauak zein diren identifikatu eta justifikatu behar dira, hurrenez hurren. Besteak beste, alderdi hauek identifikatuko dira: elkarrekin edo erakundeak zer bitarteko eta zer pertsona laguntzaile dituen aurretiazko administrazio-izapideak egiteko eta jarduerak iraun bitartean gertatzen diren gorabeherari aurre egiteko, eta zein den parte-hartzaile bakoitzaren erreferentziarako begiralea.

8.2. Jarduerak iraun bitartean:

- Jardueraren arduradunek jardueraren segurtasuna zainduko dute, eta egiaztatuko dute parte-hartzaileek edo haien legezko tutoreek egunero (edo jarduera hasi aurretik, kanpamenduen, udalekuen edo gaua igarotzea eskatzen duten bestelako jardueren kasuan) beren azpialdeko begirale arduradunari osasun-egoeraren berri ematen diotela, mugikorraren edo beste bitarteko baten bidez, jardueran hasi aurretik. Jardueraren arduradunek, halaber, ezarritako segurtasun-neurri, -protokolo eta -arau guztiak behar bezala betetzen direla zainduko dute.
- Parte-hartzaileei zer taldetakoak diren jakinaraziko zaie, eta begiralearekin elkartuko dira jarduerari ekiteko esleitu zaien espazio berezitan. Begiraleak harrera non egingo den jakinaraziko die bere taldeko kideei.
- Begiraleak ezarritako dauden prebentzio-neurriak gogora ekarri behar dizkie, bai eta betearazi ere, gainerako guztien ongiagatik eta segurtasunagatik (ezer ez ukitzen saiatzea, segurtasun-tartea gordetzea, maskara erabiltzea, eskuak maiz garbitzea, etab.); horrez gain, instalazioak nola erabili ere gogoraraziko die (adibidez, aldagelak edo komunak, kasuan kasu).
- Begiraleak jarduera, bisita edo ibilbidea nola egingo duten, eta zer arau eta muga aplikatuko diren jakinaraziko die taldekideei.
- kontaktu fisikoa tarteko duten agurtzeko eta adio egiteko moduak eragotzi behar dira.



- Begiraleak kontrolatuko ditu portaerak eta banatuko ditu maskarak, osasun-alorreko agintariak emandako gomendioetan (unean-unean indarrean daudenak) adierazita bezala.
- Bete ezean diziplinazko zer neurri ezarriko diren argi eta garbi adieraziko da.
- Ahal den neurrian, materiala parte-hartzaileen artean eta monitoreekin partekatzea saihestuko da.
- Garraio pribatua erabiliz gero, agintari eskudunek adierazitako neurriak bete beharko dira.

Jarduketa, parte-hartzaileen batek COVID-19 gaitzaren sintomak izan daitezkeenak baldin baditu

- Transmisio komunitarioko egoeran gaudenez, oso kontuan hartu behar da COVID-19 kasuak izan daitezkeela gaitzarekin bateragarriak diren sintomak dituzten pertsona guztiak. Halako kasuak behaketa bidez identifikatuko dira, edo parte-hartzaileek berek jakinarazita. Parte-hartzaile batek COVID-19ekin bateragarriak diren sintomak dituenean edo sintoma horiek jardueran zehar langile batek detektatzen dituenean, gela batera eramango da, norberak erabiltzeko, prozeduran identifikatuta. Gela horrek aireztapen egokia izango du, eta poltsadun pedalezko paperontzi bat, non maskara eta erabili eta botatzeko zapiak botako diren. Era berean, parte-hartzaileari maskara kirurgiko bat emango zaio, beste maskara bat pertsona hori zaintzen duen helduari ere; kasu bakoitzean dagokion familiari, tutoreari edo hurbilekoari jakinaraziko zaio, eta prozedura argi eta garbi ezarrita egon behar duen erreferentziazko osasun-zentroarekin harremanetan jarriko da (osasun-zentroa edo larrialdietako erreferentzia-telefonoa), kasua ebalua dezan.

Jarduketa, COVID-19aren kasu positiboa identifikatu ondoren. Elkartearen edo erakundearen protokoloan ezarritako neurriak jarriko dira abian, eta une oro beteko dira osasun-alorreko agintarien gomendioak.

- Kasuen eta parte-hartzaileen eta profesionalen arteko kontaktuen kudeaketa egiteko, zaintza- eta kontrol-estrategiaren dokumentuan jasotakoa beteko da. Ez dagokie aisialdiko profesionali, ez kontaktuen azterketa egitea, ez jarduera bertan behera utzi edo ez baloratzea. Gomendatzen da, ordea, osasun-alorreko agintariak eskatutako zereginetan laguntzea eta lana erraztea. Kontsulta: [ESTRATEGIA DE DETECCIÓN PRECOZ, VIGILANCIA Y CONTROL DE COVID-19](#).
- Beharrezkoa izanez gero, parte-hartzaileen etxerako itzulera koordinatuko da, eta jarduerak egiten jarraitzeko estrategiak abiaraziko dira, beste aukera batzuk aztertuta.

8.3. Jarduera amaitutakoan

- Behar bezala botako da babesteko erabilitako materiala (maskarak).
- Autobusa edo ibilgailua erabili behar izanez gero, modu ordenatuan edo segurtasun-neurriak une oro errespetatuz sartuko dira.
- Jardueraren osteko kudeaketetan, pertsonen artean ahalik eta kontaktu gutxien izatea eta jakinarazpenak telematikoki egitea gomendatzen da.

9. Prebentzio- eta higiene-neurriak jarduerako begiraleentzat eta parte-hartzaileentzat

- Parte-hartzaileek jarduera guztiak azpitalde egonkorretan egingo dituzte, azpitaldeen arteko distantzia 2 metrokoa izanik. Gehienez ere 16 parte-hartzaile egongo dira taldeko, begiraleez gain. Begiraleek une oro gainbegiratuko dituzte jarduera horiek, eta higiene- eta segurtasun-neurriak aginduko dituzte eta betetzen direla zaindu.



- Ahal den neurrian, pertsonen arteko segurtasun-distantzia 1,5 metrokoa izango da.
- Sei urtetik gorako pertsonak uneoro erabili beharko dute maskara.
- Eskuak maiz garbitu ura eta xaboiarekin, eta, ezin bada, disoluzio hidroalkoholiko batekin, 40 segundoz. Garrantzitsua da bereziki eztula edo doministiku egin ondoren, edo jarduerak eremu partekatuetan egin aurretik eta ondoren. Jarduera egin bitartean besaurreak estali gabe edukiz gero, komeni da besaurreak ere garbitzea. Zikinkeria ikusten den guztietan ura eta xaboa erabili behar dira; izan ere, baliteke gel hidroalkoholikoa nahikoa ez izatea eskuak behar bezala garbitzeko.
- Eztula eta doministiku egitean, estali sudurra eta ahoa erabilera bakarreko zapi batekin, eta, gero, bota tapadun zabor-ontzi batera. Zapirik eduki ezean, erabili ukondoaren barrualdea, eskuak ez kutsatzeko.
- Saiatu begiak, sudurra eta ahoa ez ukitzen. Saiatu eskua ez ematen agurtzeko eta beste edozein kontaktu fisikorik ez edukitzen.
- Gomendatzen da eskuak lehertzeko edo «arnas etiketa» betetzeko langileek erabilitako zapiak (erabilera bakarrekoak) tapa duten paperontzi edo edukiontzietara botatzea, eta, ahal dela, ontzi horiek oinarekin irekitzen direnak izatea.
- Higiene pertsonaleko material guztia (maskarak, latexeko eskularruak, etab.) errefusaren edukiontzira bota behar da (etxeko hondakinak gaika bereizi ondoren, birzikla ezin daitekeen hondakinen edukiontzira).
- Sintomak sumatzen hasiz gero, neurriak zorrotzu, urruntze sozialekoak zein higienekoak, eta jakinarazi jardueraren arduradunei, haiek ahalik eta azkarren jar daitezen harremanetan osasun-zerbitzuekin.

9.1. Norberaren higienarako gomendioak bete ahal izateko beharrezko produktuak:

- Jardueraren arduradunak, elkarteak zein erakundeak, jardueran erabiliko diren instalazioetan higienarako oinarritzko behar beste ekipamendu dagoela ziurtatu behar du ateak zabaldu aurretik, erabiltzaileek eta langileek erabil ditzaten.
- Maskarak begiraleentzat eta parte-hartzaileentzat. Begiraleek eta parte-hartzaileek maskara garbiak eduki behar dituzte, osasun-alorreko agentariak adierazitakoaren arabera. Parte-hartzaileek ezin badute maskara izango dutela ziurtatu, elkarteak edo erakundeak hartu beharko du bere gain maskaren hornidura. Osasun Ministerioak osasuntsu dauden pertsonentzako maskara higienikoa erabiltzea gomendatzen du, eta maskara horien merkaturatzea arautu du [CSM/115/2021 Aginduaren bidez \(otsailaren 11koa, maskara higienikoen informazio- eta merkaturatze-baldintzak ezartzen dituena\)](#).
- Komunetan eta geletan, ura (ahal dela, epela) eta xaboa.
- Disoluzio hidroalkoholikoa jarduera gauzatuko den eremuetan, eta leku estrategiko eta publikoetan, jangeletan eta instalazioetarako sarreretan.
- Erabilera bakarreko zapiak espazio komunetan eta jarduera gauzatuko den eremuetan.
- Garbiketarako materiala, ugaritutako eguneroko higiene-egitekoak gauzatu ahal izateko (besteak beste, lixiba eta Osasun Ministerioak desinfektatzeko baimendutako produktuak). [Productos virucidas autorizados en España](#).



9.2. Materiala erreserban

- Elkarreak edo erakundeak erabilera orokorreko maskarak eduki behar ditu aldatzeko, aurreikusitako parte-hartzaileentzat eta haien begiraleentzat. Baita bat-batean sintomak dituzten eta isolatu behar diren parte-hartzaileentzako maskara kirurgikoak ere.
- Jardueraren antolatzaileek garbitasuneko behar beste material izan behar dute, ugaritutako eguneroko higiene-egitekoak gauzatu ahal izateko.

10. Neurri espezifikoak langileentzat

10.1. Begirale boluntarioei buruzkoak

- [DOCUMENTO TÉCNICO DE RECOMENDACIONES PARA LA ACTUACIÓN DEL VOLUNTARIADO ANTE LA CRISIS POR COVID-19 Y EL ESTADO DE ALARMA.](#)

10.2. Praktiketako begiraleei buruzko neurriak

- Praktiketako begiraleek parte hartzea baimenduko da, nahiz eta horrek talde bakoitzeko parte-hartzaileen kopurua ugaritzea dakarren, betiere indarrean dagoen araudia betetzen bada.



PRESTAKUNTZA EZ-FORMALEKO ESKOLA ETA ERAKUNDEEK KONTUAN HARTU BEHARREKO INFORMAZIO ETA DOKUMENTAZIO GARRANTZITSUA:

- [Euskadin, COVID 19aren egoerari buruzko informazioa eta kartelak.](#)
- [Osasun publikoko jarraibideak, COVID-19aren transmisioa prebenitzera bideratutako protokolo eta plan espezifikoak egiteko.](#)
- [Lantokietako jardunbide egokiak: COVID-19 kutsadurari aurrea hartzeko neurriak.](#)
- [COVID-19 gaitzaren sintomak izanez gero nola jokatu jakiteko dekalogoia Espainiako Osasun Ministerioa.](#)
- [COVID-19aren sintomatología.](#)
- [Ameriketako Estatu Batuetan haurrak zaintzeko eskolen eta programen administratzaileentzako bitarteko gida.](#)
- [Koronarabirusak \(COVID-19\) eragindako gaixotasunari buruzko orientabide teknikoa: ikastetxe, lantoki eta erakundeentzako orientabidea. World Health Organization.](#)
- [Zer esango diet hurrei konorabirusari buruz? Espainiako Osasun Ministerioa.](#)
- [COVID-19ari buruko informazio eguneratua eta baliabideak, Espainiako Osasun Ministerioa.](#)

Osasun-larrialdiren bat baduzu, deitu zenbaki honetara: **112**

2. ERANSKINA. PARTE-HARTZEARI, INFORMATZEKO BETEBEHARRARI ETA BAIMEN INFORMATUARI BURUZKO BALDINTZAK ONARTZEA

Aisialdiko jarduerak antolatzen dituzten erakunde, elkarte eta enpresek jardueretan parte hartzeko interesa duten pertsonak parte hartzeko baldintza hauek onartzen dituztela adierazi beharko dute, idatziz eta aldez aurretik.

1. Parte hartzeko baldintzak.

- Parte-hartzaileak ezin du jardueran parte hartu, baldin eta COVID-19 gaitzarekin lotutako sintomaren bat badu (eztula, sukarra, arnasa hartzeko zailtasuna, etab.).
- Parte-hartzaileak ezin du jardueran parte hartu kasu positibo baten kontaktu estua delako susmoa badago, hau da, COVID-19k eragindako pertsona baten leku berean egon bada, 2 metrotik beherako distantziara eta guztira 15 minutuz baino gehiago 24 ordutan, maskara etengabe eta zuzen erabili gabe, sintomarik ez badu ere.
- Kontuan hartu beharreko aldia sintomak hasi baino 2 egun lehenagokoa izango da, edo sintomarik ez duten pertsonen kasuan, diagnostikorako lagina hartu baino 2 egun lehenagokoa. Kasu horretan, ez duzu jarduerara joan behar, eta harremanetan jarri beharko duzu zure osasun-zentroarekin. Han, kasua aztertu eta nola jokatu erabakiko dute.

11. Osasun-egoerari buruz egunero eta ez bertaratzearen arrazoiaz aldi oro jakinarazteko konpromisoa

- Parte-hartzaileek edo haien legezko tutoreek egunero (edo jarduera hasi aurretik, kanpamenduen, udalekuen edo gaua igarotzea eskatzen duten bestelako jardueren kasuan) jakinaraziko diote bere azpitaldeko begirale arduradunari osasun-egoera, eskuko telefonoaren edo beste bitartekoren batez bidez, jarduerara joan aurretik.
- Parte-hartzaileek edo haien legezko tutoreek ez bertaratzearen arrazoia jakinaraziko diote bere azpitaldeko begirale arduradunari, eskuko telefonoaren edo beste bitartekoren batez bidez.
- Jarduerarekin zerikusia duen pertsonaren batek COVID-19arekin lotutako sintomarik badu, edo kasu positibo baten kontaktu estua delako susmoa badu, ez da bertaratu, eta harremanetan jarriko da jardueraren arduradunarekin (gerentea, zuzendaria, begiralea, etab.).

12. Baimen informatuaren sinadura

Egoera sanitario, pertsonal edo sozioekonomikoengatik zaugarriak diren taldeek parte hartzeko baldintzak:

- Talde zaugarritzat hartzen dira desgaitasun edo dibertsitate funtzionalen bat duten pertsonak, premia bereziak dituztenak, egoera sozioekonomiko zaugarriak daudenak, etab. Pertsona-mota horrentzat erakundeek, jardueran haien parte-hartzea erabatekoa izan dadin ziurtatzeko, arreta espezifiko neurriak hartu ahal izango dituzte: talde txikitan eta pertsonako begirale gehiagorekin edo begirale laguntzaileekin lan egitea, legez xedatutako babes-ekipamendua ematea, etab.
- Interesa duten pertsonak, edo kargura dauden senideak edo tutoreak nahitaez eman behar du egoera horren berri, jardueraz arduratzen den erakundeak jarduera moldatzeko behar beste neurri hartu ahal izan ditzan.

EREDUA: GAZTEEN HEZKUNTZA-AISIALDIKO JARDUERETAN PARTE HARTZEARI, INFORMATZEKO BETEBEHARRARI ETA BAIMEN INFORMATUARI BURUZKO BALDINTZAK ONARTZEKO DOKUMENTUARENA

(Elkarteak edo erakundeak garatu beharrekoa, eta parte-hartzaileei eta legezko tutoreei eman beharrekoa.)

..... andrea/jauna; NAN/AIZ hau duena:

nire izenean interesdunaren (adingabea) aita/ama/tutorea

..... andrea/jauna; NAN/AIZ hau duena:

Talde zaurgarrikoa edo egokitzeko premia bereziak: Bai / Ez.

Baietz erantzun baduzu, zehaztu:

Entitate honek gauzatuko du jarduera:

Proposatutako jarduera:

Data:

Nire erantzukizunpean adierazten dut goiburuan agertzen diren datuak dituen pertsonak (interesduna) adierazitako entitateak gauzatuko dituen jardueretan parte hartu dezala eskatzen dudala. Horretarako, entitateak berak eskuragarri jarritako informazioa arretaz irakurri dut eta parte hartzeko baldintzak onartzen ditut, nire konpromisoa adierazten dut nahitaezko higie- eta prebentzio-neurriak betetzeko eta nire gain hartzen dut COVID-19arekin kutsatzeko aukeraren erantzukizun erabatekoa.

(X batez markatu)

Onartzeko baldintzak betetzeari buruzko erantzukizunpeko adierazpena

- Adierazten dut interesdunak betetzen dituela "2. Eranskina. Parte-hartzeari, informatzeko betebeharrari eta baimen informatuari buruzko baldintzak onartzea" agirian ezarritako baldintzak.
- Konpromisoa hartzen dut osasun-egoera egunero jakinarazteko (edo jarduera hasi aurretik, kanpamenduen, udalekuen edo gaua igarotzea eskatzen duten bestelako jardueren kasuan), eta interesduna bertaratzen ez bada, arrazoia jakinarazteko (eskuko telefonoaren edo beste bitartekoren baten bidez).

Erakundeak jardueraren garapenean aplikatuko diren neurri eta protokolei buruz emandako dokumentuak irakurri eta onartu izanaren adierazpena

- Adierazten dut jaso eta irakurri dudala COVID-19 kasuei aurre egiteko prebentzio- eta jarduketa-neurriak jasotzen dituen protokoloa, jardueraren ardura duen erakundeak egina, eta, beraz, erabat ezagutzen dudala eta bat natorrela proposatzen dituen neurri eta prozedurekin.

COVID-19ari buruzko baimen informatua

- Adierazten dut jakitun naizela, erakunde antolatzaileak emandako dokumentuetan adierazitako informazioa jaso eta arretaz irakurri ondoren, zer arrisku dituen, bai interesdunarentzat eta bai berekin bizi diren pertsonentzat, COVID-19ak eragindako osasun-krisiaren testuinguruan jardueran parte hartzeak, eta nire erantzukizunpean hartzen dudala arrisku hori.

Dokumentu hau irakurtzea gomendatzen diegu, bai parte-hartzaileei eta bai familiakoei edo kargura duten tutoreei. [\(COVID-19\) Koronabirus berriari buruzko galdera eta erantzunak](#). Osasun Alertak eta Larrialdiak Koordinatzeko Zentroa. Espainiako Osasun Ministerioa.

.....(n),koren (e)an